

«ԹՈՒԽ ՄԱՆՈՒԿ» ՀՈՒՇԱՐՁԱՆՆԵՐԻ ՄԱՍԻՆ

Պատմ. գիտ. դոկտոր Ա. Շ. ՄՆԱՑԱԿԱՆՅԱՆ

Հայ բազմազարգացածները, իսկա նաև ճարտարապետները, գեղեցիկ XIX դարի կեսերից, պատմական Հայաստանի տարածքում արձանագրեցին Թուխ Մանուկ անունով բազմաթիվ սրբավայր-ուխտատեղիներ։ «Հայաստանի մեջ,— գրում է Գ. Սրվանձտյանցը — իմ տեսած տեղերը, հազիվ գրեթե կը գտնվի գեղ մը, որ Թուխմանուկ չունենա. թեպետ քաղաքներու մեջ ալ կը գտնվին»¹։ Եղել են բնակավայրեր, ուր հանդիպել են մի քանի Թուխ Մանուկներ։ Օրինակ, Մ. Միրախորյանը Արճակի մասին գրում է. «Գյուղիս մեջ 3 հատ Թուխ Մանուկներ կան»², իսկ Մանազկերտի մասին հաղորդում է, թե այնտեղ կան «տաղավարիկներ թվով վեց, յոթոց երկուքն անորոշաբար սուրբ կը կոչվին և մնացյալ չորսն Թուխ Մանուկ»³։ Թուխ Մանուկներ են արձանագրվել Անբաղում, Բաղեոցում, Ալաշկերտում, Համզաշենում, Կուփում, «Մշո աշխարհում», Խնուսում, Խաստուրում, Արտամետում, Կյուսենցում, Վանում և շատ ու շատ ուրիշ վայրերում։ Մինչև օրս էլ տասնյակ Թուխ Մանուկներ կան Սովետական Հայաստանի շրջաններում։ Նրանց մի մասն արձանագրված է Հնությունների պահպանության և վերականգնման կոմիտեի մատյաններում։ Թ. Թորամանյանը տեսել և նկարագրել է Օշական, Եղվարդ, Արմտլու, Աղավնատուն և այլ գյուղերի Թուխ Մանուկները⁴։

Պետք է նկատել, որ դեռևս ոչ ոք առանձին ուսումնասիրության առարկա չի դարձրել Թուխ Մանուկ կոչված հուշարձանների և նրանց հետ առնչվող պատկերացումների, սովորությունների խնդիրները։ Դրություն չունի անգամ մի հոդված, որը նպատակ ունենար ամփոփել եղած նյութերը և ուղղորդել նրանց վրա⁵։

Թուխ Մանուկ հուշարձանների մասին հիշված տեղեկությունները խիստ կցկտուր են և ցրիվ են եկած տարբեր ուղեգրություններում, գրքերում, արխիվային փաստաթղթերում։ Ըստ որում, այդ տեղեկություններն էլ տրվել են հրեժանց ալ հարցերի քննության՝ որպես օժանդակ նյութեր։ Այնուամենայնիվ, համախմբելիս ստանում ենք բավականին հարուստ փաստեր, որոնք նպաստում են բոլոր պատկերացում կազմելու Թուխ Մանուկների մասին առհասարակ և մտնելու նույնիսկ նրանց պատմության ծալքերի մեջ։ Գործին

1 Գ. Սրվանձտյանց, Գրոց ու բրոց, Կ. Պոլիս, 1874, էջ 115։

2 Մ. Միրախորյան, Նկարագրական ուղեգրություն ի հայաբնակ դավառս Արևելյան Տաճկաստանի, մասն Բ, Կ. Պոլիս, 1885, էջ 128։

3 Նույն տեղում, մասն Գ, Կ. Պոլիս, 1885, էջ 48։

4 Թ. Թորամանյան, Նյութեր հայկական ճարտարապետության պատմության, Երևան, 1942, էջ 41—44։ Նույն ի՝ Նյութեր հայկական ճարտարապետության պատմության, Երկրորդ ժողովածու, Երևան, 1948, էջ 137, 222—223։

5 Այս փորձը մենք սկսել ենք դեռևս 1950-ական թթ. (տե՛ս Ա. Շ. Մնացականյան, Հայկական զարգարվեստ, Երևան, 1955, էջ 495—496, 575)։

մեծուպես, նույնպես եւս եղած մատենագրական առանձին վկայությունները, բանահյուսական փշրանքները, որոնք ցարդ չեն օգտագործվել՝ որպէս Թուխ Մանուկների հետ առնչվող նյութեր:

Ճարտարապետական առումով Թուխ Մանուկները հիմնականում եղել են մատուռանման կառույցներ, իսկ երբեմն էլ՝ դերեկմանաձև վոքրիկ շինություններ: Պրծանագրված են նաև համեմատաբար մեծ հատակագիծ ունեցող Թուխ Մանուկների հիմքեր: Գ. Սրվանձտյանցն այսպես է բնութագրում այդ կառույցները. «Ամենավոքրիկ մատուռ մը, կամ առանց կալաշաղախի շարված քարերով շէնք մը, որո մէջ տղա մ' ա՛նդամ չպարունակիր... կամ գերեզմանաձև շէնք մը, և անոնց մէջ ճրագ ու խնկանոց... Թուխ Մանուկն այս է»⁶: Վոքրիկ մատուռներ են նաև Թ. Թորամանյանի նկարագրած վերահիշյալ Թուխ Մանուկները:

Ինչ ի՞նչ ծագում են ունեցել Թուխ Մանուկները, դեռևս ընդունելի կարծիք չկա: Ոմանք տնորոշաբար են խոսել այդ մասին, ոմանք Թուխ Մանուկները կապել են նախաքրիստոնեական ժամանակների հետ, իսկ ոմանք էլ դրանք դիտել են որպէս միջնադարյան նորաստեղծ ուխտավայրեր: Այսպես, օրինակ, Մ. Միրախորյանը գրում է, թե Թուխ Մանուկները «ո՛ր դարեն կը դան և ի՛նչ անցքեր տեսած են» կը մնան անծանոթ տակավին. դոքա տեղացի Հայոց մասնավոր ուխտատեղիներն են, մասնավոր իրական սեռի համար, որ ամեն շաբաթ երեկոներն անմոռաց, խունկ, մոմ և ոմանք ևս ձեթ... հետերնին առնելով՝ կը տանին հոն տեղերը ու կը վառեն և կը ծխեն կուրծքի տակից մրմնջելով. «Աստված ողորմի մեր նախնայց հոգւոյն»⁷: Դ. Խաչկոնցը Թուխ Մանուկների պաշտամունքը կապում է ջրի պաշտամունքի հետ. «Զրապաշտությունը դեռ վառ կը մնա մեր ժողովրդին մէջ. Շատ տեղեր ջրի ակը սուրբ կհամարվի. Թուխ Մանուկներու ջրերը հիվանդություններ կը բժշկեն...»⁸: Նման միտք է հայտնում նաև Գ. Շահինյանը⁹: Թ. Թորամանյանը գտնում է, որ Թուխ Մանուկների պաշտամունքը ոչ այլ ինչ է, ինչ որ նախաքրիստոնեական հերոս-նախնիների պաշտամունք¹⁰: Հ. Աճառյանը, նկատի ունենալով մի քանի այլ հեղինակների կարծիքներ, Թուխ Մանուկները համարում է միջնադարյան երևույթ: «Բարբառներում, — գրում է նա, — Թուխմանուկ նշանակում է «նոր հայտնված կամ անանուն սրբի դերեկման, որի կրոն մի փոքրիկ տնակ են շէնում» իբրև ուխտատեղի»¹¹:

Իսֆֆին, գրախոսելով Գ. Սրվանձտյանցի «Գրոց ու բրոց», գրում է. «Հայոց «Թուխ Մանուկները» նույնպես կան զանազան արևելյան աղբերի մէջ: Շատ հավանական է, որ Գ. Վ. Սրվանձտյանցի կարծիքը ճիշտ լինի, թե նրանք զանազան ժամանակներում նահատակված, բրիստոնյա մարտիրոսների արյուն թափած տեղերը լինեն: Իսկ շատ անգամ ևս ժողովրդի անհավատությունը ստեղծում է «Թուխ Մանուկները». հանկարծ պառվին մինը այն-ինչ ավերակի մէջ երազում կամ առաջոք լույս տեսավ...» և այլն¹²:

6 Գ. Սրվանձտյանց, Գրոց ու բրոց. էջ 115—116:

7 Մ. Միրախորյան, նկարագրական ուղեորություն..., մասն Գ, էջ 48:

8 «Բյուրակն», 4. Պոլիս, 1898, էջ 292:

9 «Բյուրակն», 1901, էջ 490:

10 Թ. Թորամանյան, նյութեր հայկական ճարտարապետության, 1942, էջ 42:

11 Հ. Աճառյան, Հայոց անձնանունների բառարան, հատ. Բ, Երևան, 1944, էջ 368:

12 Բաֆֆի, Երկերի ժողովածու, հատ. 9, Երևան, 1958, էջ 110, նախապես տպագրված «Մշակում» (1874, № 2, էջ 1):

Որ ուրիշ ազդեցիկ մեջ ևս կան համապատասխան սրբություններ, այդ մասին կիսովի ստորև: Ինչ վերաբերում է Թուխ Մանուկների ծագմանը, ապա մեր որոնումները և լրացուցիչ փաստերի քննությունը ցույց են տալիս, որ վերոհիշյալ ենթադրություններից ընդունելի է Թ. Թորամանյանի կառծիքը: «Հասարակաց ուխտատեղիներ եղած են այս փոքր շինությունները և անցնելով քրիստոնեության շրջանին, միևնույն կոչումներով շարունակել են պահպանուց գոյությունը և առհասարակ անվանվել են Թուխ Մանուկ»¹³: Այս կարծիքի օգտին են խոսել նաև այն ազդագրադետները, որոնք Թուխ Մանուկները կապել են ջրի պաշտամունքի հետ:

Առանձին ուշադրություն էն դրավում Թուխ Մանուկ հուշարձանների արխաիկ տեսքն ու անմխիթար վիճակը: «Այս Թուխ Մանուկները միշտ ավերակ կը տեսնվին», — գրում է Ս. Հակոբյանը¹⁴: Հարց է առաջանում, այդքան մեծ տարածում ունեցող, համարյա ամեն գյուղում գտնվող, ամեն շաբաթ երեկո իսկ ու մոմով հարգվող, իրենց տարեկան համաժողովրդական տոներն ունեցող ուխտատեղիներն ինչու են այդքան անշուք, ամենուր ավերված և փլատակի վերածված: Այսպես Թուխ Մանուկը, օրինակ, պաշտվելիս է եղել ուղղակի որպես քարակույտ: Տոնի ժամանակ հավաքվել են այնտեղ և կոխոտել «այն վայրերն ուր Թուխ Մանուկներ քայլած են»¹⁵: Եվ դա այն դեպքում, երբ շրջակայքի քրիստոնեական տրբարանները գտնվելիս են եղել շին ու խնամված վիճակում: Ենթադրելի է, որ Թուխ Մանուկները նախաքրիստոնեական սրբավայրեր են եղել և հալածվել ու ավերվել են քրիստոնեության կողմից:

Թուխ Մանուկների մասին գրող հեղինակները միաբերան վկայում են, որ նրանց մեծարողները կանայք են, հատկապես տարիքավորները: Նրանցից ոչ մեկը չի վկայում, թե Թուխ Մանուկներին ծառայել են հոգևորականներ կամ պաշտոնական եկեղեցու այլ ներկայացուցիչներ: Դա ևս խոսում է նրանց ոչ քրիստոնեական բնույթի ու ծագման մասին:

Հետաքրքրական է նաև այն, որ քրիստոնեական ազդային և միջազգային սրբերի ցանկում իսպառ գոյություն չունի Թուխ Մանուկ անունով սուրբ կամ սրբություն: Ընդհակառակը, կան անեծքներ, որոնց մեջ արդեն Թուխ Մանուկները, Թուխերը, Աղեկ Մանուկները դիտված են որպես չար ոգիներ և դեմոններ¹⁶: Եվ եթե հանդիպում են աղթարական այնպիսի նշխարներ, որտեղ Թուխ Մանուկները կամ Աղեկ Մանուկները բարի ուժերի ներկայացուցիչներ են, ապա դրանք էլ ժողովրդական հին պատկերացումների արձագանքներ են:

Նրդ, ովքե՞ր, ի՞նչ ուժեր ու ի՞նչ ըմբռնումների մարմնացումներ են Թուխ Մանուկները: Վերևում տեսանք վկայություններ, որոնց համաձայն Թուխ Մանուկները պատկերված են որպես երբեմնի կենդանի մարդիկ, որոնք քայլել են Թուխ Մանուկ կոչված սրբավայրերի տեղերում կամ շրջակայքում: Համանման պատկերացման արդյունք են նաև այն աղոթքները, որ մրմնջացել են սյառավ կանայք, ասելով. «Աստված ողորմի մեր նախնյաց հոգվոյն»: Հասկանալի է, որ ի դեմս Թուխ Մանուկների պաշտամունքի գործ ունենք նախնիների պաշ-

13 Թ. Թորամանյան, Նյութեր հայկական ճարտարապետության պատմության, 1942, էջ 42:

14 Ս. Հակոբյան, Բագրևանդ, մասն Ա, էջմիածին, 1894, էջ 326:

15 Նույն տեղում, էջ 195—199:

16 Ղ. Ալիշան, Հին հատար, Վենետիկ, 1895, էջ 205, 217:

տամուռքի հետ: Միայն թե այս նախնիները կոչվել են Թուխ Մանուկներ և ոչ թե առհասարակ նախնիներ: Այստեղից էլ հատուկ կարևորություն են ստանում «Թուխ» և «Մանուկ» բառերը: Ինչպես հայտնի է, «Թուխ» նշանակում է սև, իսկ «Մանուկ»՝ մանուկ կամ երիտասարդ: Ուշադիր զննությունը ցույց է տալիս, որ այստեղ մանուկ բառն ունեցել է նաև կտրին, փաշ, արի, նարտար իմաստը: Եվ հենց այս իմաստով էլ այն ընկալված է Թուխ Մանուկ դարձվածքում: Հետևապես այստեղ կարևորը ոչ այնքան սև-թուխ հասկացությունն է, որքան մանուկը:

Որ մանուկ բառը նաև կտրին, հերոս, փաշ, նարպիկ, առափնի իմաստն է ունեցել, դա երևում է այդ բառի օգտագործման եղանակներից: Այսպես, ներսես Շնորհալին, նկատի ունենալով առասպելական հերոսներ Տորքին և Վարազդատին, գրում է.

Մանուկ մի կայր ի Հայ[կ] գովան,
Քան զՍամսոն 'ի այլ յաղրական.
Վէմ մի վերոյց մեծ տրամական,
Ի ծովն քնկեց, կանկնեաց արձան:¹⁷

Մանուկ մի այլ՝ ի այս նրման,
Էր ի ազգէն Արշակունեան,
Հանչաւ մանուկ է[ր] ու յիշման,
Ընդ եփրատ վագեաց փայլ մի լման:¹⁸

Ըստ նույն հեղինակի մանուկ է նաև աստվածաշնչային Եզեկիելը:

Թուխ Մանուկների ծագման կապակցությամբ Թ. Թորամանյանն ուշադրություն է հրավիրել հույն հեղինակ Անեոբոսի հետևյալ տողերի վրա. «Հույները միմիայն աստվածներ չէին պաշտում, պաշտում էին նաև հերոսներ... կիսաստված անունը կուտային: Այնպես կարծիք տունեին, որ հերոսներն ապրել են իբրև մարդ, որոնք կամ թագավոր էին կամ մի հուշակավորի ծնունդ. այս մարդիկն իրենց կենդանության մի գերագույն քաջագործություն անելով իրենց մահվանից հետո աստվածացել են:

Հունաստանի մեջ չկար քաղաք, որ տնվազն մի սրբարան չունենար (այսինքն մի տեսակ մատուռ) հերոսների հիշատակին կանգնված: Շատ տեղեր երևակայում էին, որ այդ հերոսների գերեզմանն իրենց մոտ է, և աճյունները թաղված են այդ մատուռների մեջ: Երկրի բնակիչները տարվա որոշ օրերուն մեջ կհավաքվեին սրբարաններու առջև կրոնական մի պաշտամունք կատարելու համար, այնտեղ ընծաներ կբերեին, հոգևոր երգեր կերգեին, պանդան պարեր կպարեին, ըմբշամարտություն և վազքեր կկազմակերպեին»¹⁹:

Այս նկարագրությունն այնքան է համապատասխանել հայոց Թուխ Մանուկներին և նրանց նվիրված ծեսերին, որ Թ. Թորամանյանը Թուխ Մանուկները համարել է հույներից փոխ առնված սրբավայրեր: Անկախ այս անճշտությունից, հիշյալ մեկնաբանությունը միաժամանակ վկայում է, որ Թուխ Մանուկները համապատասխան դուրսհեն են ունեցել հույն իրականության մեջ: Ավելին, մասնագետները նկատել են, որ Հայոց Թուխ Մանուկները հավասարապես պաշտվել են նաև այլազգիների կողմից: Այսպես, օրինակ, Գ. Սրվանձտյանցը, փորձելով բացատրություն տալ Թուխ Մանուկների ծագման հարցին, նշում է, թե նրանց պաշտել են նաև թուրքերը²⁰: «Աղգաղրական

17 «Տաղարան է սայ հոգոյ և մարմնոյ», Վենետիկ, 1512, թերթ 2—բ:

18 Նույն տեղում:

19 Թ. Թորամանյան, Նյութեր հայկական ճարտարապետության պատմության, 1942, էջ 42:

20 Գ. Սրվանձտյանց, Գրոց ու բրոց, էջ 116:

հանդես»-ում Համգաշխուհի պապի թուխ Մանուկի մասին գրված է. «Ժողովուրդ կալանդեթե թե քրդու լամուկ է եղած, և քրիստոնյա դառնալով նահատակվեր է և սուրբ դարձեր»²¹։ Առավել ուշագրավ տեղեկության ենք հանդիպում Ա. Թոխմախյանի մոտ։ Նա նկարագրելով «Գարա-Գոյունցիների» կրոնական ծեսերը, գրում է. «Ուշադրության արժանի է Գարա-Գոյունցոց նվիրական սոսի ծառերին կատարած ուխտը։ Այդ ծառի տակին նոքա հավաքվում են օրերը տոնելու. ճրագ, մոմ են վառում, խունկ են ծխում, մատաղ են անում։ Այդ ուխտատեղիներին նբանք անվանում են «Նարա-Սղլան»՝ բառ առ բառ թարգմանությունը վասպուրական հայերի «Թուխ-Մանուկ» բառին։ Հայերի մեջ բացի վանական ուխտատեղիները, կան երկրորդական ուխտատեղիներ... ուր հրագ, մոմ են վառում, խունկ են ծխում. ջերմախտի ջրերը, ուր լողանում են չերմողները. ծառեր, որոնց ոստերի վերա կապում են հանդերձից պատռած կտորները, գլխից կտրած մազի փունջերը։ Այդ ամենը անվանում են «Թուխ Մանուկ»²²։

Հիշալի, Ավարայրի դաշտում ապրող «Գարա-Գոյունցի» ցեղի նկարագրված կրոնական ծեսը՝ իր մյուս մանրամասներով, նման է Թուխ Մանուկների հետ առնչվող ծեսերին։ Սակայն դա հիմք չի կարող լինել մտածելու այն մասին, որ այդտեղ գործ ունենք աղգափոխված հայերի Թուխ Մանուկ սրբությունների հետ։ Իրողությունն այն է, որ թե՛ հայ և թե՛ ալլաղգի ժողովուրդների մեջ եղել են համանման պատկերացումներ ու համապատասխան սրբություններ՝ իրենց ծիսական սովորություններով²³։ Հարցի մասին այսպիսի պատկերացում է ունեցել, ինչպես տեսանք, նաև Րաֆֆին։ Արդ, ո՞րն է այս իրողության պատմական հիմքը։

Սովետական և արտասահմանյան մասնագետների հետազոտություններից հայտնի է, որ նախնադարյան համայնական հասարակությունից մինչև ուշ միջնադար, համապատասխան փոփոխություններով հանդերձ, եղել են հասակային (տարիքային) դասեր, երիտասարդական եղբայրություններ։ Այդ կազմավորումների մեջ հնում ժամանակի երիտասարդությունը դաստիարակվել է հատուկ եղանակով և հետո միայն կյանք մտել որպես հասարակության լիարժեք անդամ։ Գոյություն են ունեցել կրոնա-սոցիալական տոհմա-ցեղային սրբություններ, հերոս նախնիների դիցաբանված կերպարներ, որոնց օրինակներով էլ մշակված են եղել երիտասարդների դաստիարակության եղանակները։ Հերոս-նախնու հիշատակը հարգվել է հատուկ սրբարան-դամբարանում, ջրերի ու ծառերի մոտ, սրբազան պուրակներում կամ բարձունքների վրա։ Երիտասարդական հասակային դասերից իսկական հասարակական արտադրության անցնողներին ենթարկել են փորձերի ու փորձությունների (վիրահատման, անգամ անդամահատման), մկրտել են, տվել են նոր անուն, զրանից հետո թույլ տվել, որ նրանք ամուսնանան և համարվեն լիարժեք մարդ։ Մասնագետները փաստարկել են, որ գոյություն են ունեցել տոհմական սրբազան պատմություններ, երգեր, պարեր, որոնք բոլորը մտնելիս են եղել երիտասարդության դաստիարակության համար ստեղծված

²¹ «Աղգազրական հանդես», Ե գիրք, Թիֆլիս, 1899, էջ 31։

²² Ա. Թոխմախյան, Մասիս լեռների հարավային ստորոտներ, մասն Բ, Թիֆլիս, 1882, էջ 36—37։

²³ Այս առումով տե՛ս В. Минорский, Материалы для изучения... Али-Плахи, М., 1911.

13 Հանդես, № 2

ծրագրի մեջ: Առանձին տեղ է տրվել ռազմա-մարմնամարզական վարժություններին, բմբաժարատնությանը, վաղբին, նետաձգությանը և առհասարակ այն ամենին, ինչը կտրուղ էր նպաստել առավել ուժեղ, առողջ ու հնարամիտ սերունդ ստեղծելու գործին: Հին հեթանոսները, էպոսները, դիցաբանական շրջանները, իրենց երիտասարդական միջավայրով, հարսնացուներ ճարելու սրխաբներով, երգերով ու պարերով, հիմնականում, վերահիշյալ կազմավորումների կենցաղային արձագանքներն ու մնացուկներն են: Փաստարկված է, որ երիտասարդական այդ կազմավորումները ոչ միայն իրենց ժամանակի մշակույթի հիմնական կենտրոններն են հանդիսացել, այլև հաճախ՝ հասարակական շարժումների և հեղաշրջումների շարժիչ ուժերը²⁴:

Փաստերը ցույց են տալիս, որ հայ իրականության մեջ երիտասարդական միությունները կամ կտրիճվորաց եղբայրությունները, իրոք, փոփոխվելով, հարատևել ու պահպանվել են նաև միջնադարում: XIII դարի անվանի գործիչ Հովհաննես Երզնկացին, կամենալով քրիստոնեական կերպարանք տալ Երզնկայի երիտասարդական եղբայրությանը, գրել է հատուկ կանոններ²⁵, ճառեր²⁶, անգամ բանաստեղծություններ²⁷: Կտրիճվորաց եղբայրությունների վերաբերյալ այլևայլ կանոններ ու թղթեր են պահպանվել նաև ուշ ժամանակներից²⁸: Դրանք մեծ մասամբ կապվում են հայկական դադոթների հետ, ուր խիստ մեծ է եղել նման եղբայրությունների անհրաժեշտությունը՝ օտար միջավայրում դիմանալու և առևտրա-տնտեսական առօրյան կանոնավոր բնթացքի մեջ պահելու համար: Ուշագրավ է, որ այս միություն-եղբայրությունների ավագները կոչվել են մանկավագ (մանուկ և ավագ բառերից):

Սաևուկ և Կտրիճ կոչումների մասին հետաքրքրական տեղեկություններ են պահպանվել X դարի կաթողիկոս Անանիա Մոկացու մի թղթում: «ՆԳ (954) թուականին... յարեալ ոմն յեպիսկոպոսաց մերոց Խոսրով անուն որում հաւատացեալ էր մեր նմա զվիճուկն Անձևոցեացն. այր համեստ և դիտաւոր և ալեօք ծերութեամբ զարդացեալ», — գրում է նա Գրիգոր Նարեկացու հոր՝ Խոսրով Անձևացու մասին: Շարունակության մեջ ասում է, որ վերջինս «յանկարծաէի իբրև ի դիական հոգւոյն շարժեալ... յառաջեաց բաջադմունս անհեգեղս: Քանզի հրամայեր մինչև մօրուս եկեալ զգլուխ խուլեալ մանկանց, թէ ալսր աղագուս կոչի կտրիճ, և զկնի մօրուացն զհերսն ապա թողուլ, երկայնիլ և մանիլ զսրունն, զի այսր աղագուս կոչեն մտնուկ...»²⁹:

²⁴ Այս հարցերի մասին տե՛ս Ս. Ս. Т о л с т о в, Пережитки тотемизма и дуальной организации у туркмен («Проблемы истории докапиталистических обществ», 1935, № 9—10); В. Я. П р о п п, Исторические корни волшебной сказки, Л., 1946; К. В. Т р е в е р, Древнеиранский термин «рагна», «Известия» АН СССР (серия ист. и филол.), 1947, № 1.

²⁵ Լ. Խ ա չ ի կ յ ա ն, Երզնկա քաղաքի եղբայր միության կանոնադրություն (ժառանգարանի, № 6, 1962, էջ 365—377): Տե՛ս նաև ՉՍՍՀ ԳԱ «Տեղեկագիր» (հաս. գիտ.), 1951, № 12:

²⁶ Ա. Ս ր ա պ յ ա ն, Հովհաննես Երզնկացի, Երևան, 1958, էջ 74:

²⁷ Նույն տեղում, էջ 72—74:

²⁸ Գ. Գ ո վ ի կ յ ա ն, Դրանսիրվանիո հայոց Մետրապոլիսը, Վիեննա, 1896, էջ 73—95: Վ. Երիգորյան, Ցաղրովեց քաղաքի հայկական դադոթի «Կտրիճվորաց եղբայրության» կանոնադրությունը, ՉՍՍՀ ԳԱ «Լրաբեր» (հաս. դիտ.), 1973, № 9, էջ 40—60:

²⁹ Մաշտոցի անվ. Մատենադարան, ձեռ. № 2966, էջ 131ա: Տե՛ս նաև «Արարատ», 1897, էջ 276:

Ինչպես տեսնում ենք, դրանք երիտասարդական-հասակային դասերի կենցաղի երբեմնի արձագանքներն են, որ X դարում օրինականացման իրավունք էին պահանջում Խոսրով Անձեացու միջոցով և հանդիպում ուժեղ դիմադրության: Առավել ուշագրավն այստեղ երկու դասի առկայությունն է. կուրիաների, որոնք ավելի փոքր են եղել (մինչև մորուք բուսնելը) և մանուկներ (որոնց մորուքներն սկսել են երևալ): Ըստ այդմ էլ նրանց միմյանցից տարբերելու նպատակով կտրիճների մազերը սափրել են, իսկ մանուկներինը թողել և հյուսել: Հետագայում է, որ մանուկ ու կտրիճ հասկացությունների այդ տարբերությունը վերացել է:

Այստեղից ինքնին հասկանալի է, թե ինչու հայրենների մեջ այնքան մեծ տեղ ունեն կտրիճ-մանուկներն առհասարակ, ուր երբեմն էլ զրվատվում է նրանց մորուքավոր լինելը.

Կամ մուրազալի կտրիճ,
Որ զլուխն անցած լինենայ...

Միջնադարյան Հայաստանում հասակային դասերի գոյության մնացուկային փաստերից մեկն էլ Կոստանդին կաթողիկոսի (Բարձրբերզցի) այն կանխն է, որի համաձայն «Դ (երեք) անգամ ժողով է ի տարին երեցն յեկեղեցին որիչ՝ զարս և զկանայս և զկուսան աղջկունս և զկուսան կրտսերն և յարմար հասակացն և վարուցն խրատ տացէ, զի ամէն հասակի և վարուց և բարուց խրատ որիչ է»³⁰:

Հասակային դասերի ամենաուժեղ արձագանքները հարսանիքան ծեսերն են՝ իրենց ազաբներով, հարսնաքույրերով, փեսայի մազերը կտրելու արարողությամբ և այլ մանրամասներով:

Այստեղից ինքնին հասկանալի է, թե ինչու առհասարակ այդ կտրիճ-մանուկները կոչվել են Թուխ Մանուկներ: Այստեղ քուխ բառով ընդգծվել է նրանց վարսերի սևությունը, ուստի Թուխ Մանուկ նշանակել է սևավարս կամ սև մազերով մանուկ: Բնականաբար ազգագրական որոշ զավառներում կարող էին իշխել ոչ թե սև, այլ, ասենք, շեկ, ոսկեգույն վարսերը, ուր արդեն Թուխ Մանուկ արտահայտությունը պիտի տարբերակավորվեր:

Խնդրին այսպես մոտենալով է, որ մենք հնարավորություն ենք ստանում ավելի ընդլայնել մեր պատկերացումները քննվող հարցի մասին: Օրինակ, հին աղբյուրներում հաճախ ենք հանդիպում զանազան Մանուկների, որոնց սոցիալական էությունը հասկանալի է դառնում Թուխ Մանուկների օգնությամբ³¹: Հիշենք Մովսես Խորենացու վկայակոչած այն փշրանքը, որի մեջ զրվատվում է Վարդգես Մանուկը: Այս Մանուկն էլ հերոս է՝ վարդազույն գեսներով (վարդ + գես), որն իջնում է Քասաղ գետն ի վար, կռում-կոփում Երվանդ արքայի զուրը և ամուսնանում նրա քրոջ հետ: Մի՞թե նման հերոս է Վահագնը, որ «Հուր հեր ուներ և բոց ունէր մօրուս»: Մի՞թե նման ընկալումներ է հետ շեն կապվում Դիսանե աստվածն ու նրա գիսավոր նվիրյալները: Եման հերոսներ կան նաև Սասնա Մոեր էպոսում՝ հայտնի խոր Մանուկ անունով. ահա նրանց ցանկը. ա. խոր Մանուկ, բ. խոր Մանուկ՝ որդի Մհերի, գ. խոր

³⁰ «Բանբեր Մատենադարանի», № 4, 1958, էջ 284: Հմմտ. Կիրակոս Գանձակեցի, Պատմություն Հայոց, աշխատ. Կ. Ա. Մելիք-Օհանջանյանի, Երևան, 1961, էջ 308:

³¹ Այս հարցին մասամբ անդրադարձել ենք մեր մի ուրիշ հոդվածում («Պատմա-բանասիրական հանդես», 1975, № 2, էջ 215—232):

Մանուկ՝ Վանից, դ. Խոր Մանուկ՝ փահլեան, ե. Խոր Մանուկ՝ որդի Քեռի Թորոսի³²:

Մեզ համար կարևոր նշանակություն ունի նաև Խոր բառը. այն, ինչպես նշել ենք, հավանաբար կամ հերոս նախնու անուն է, կամ էլ հուշ է խորիքների մասին³³:

Ժողովրդական հեքիաթներից հայտնի է Օձ Մանուկ կամ Օձամանուկ անունով հերոս՝ կապված կերպարանափոխության հավատալիքի հետ, որովհետև հերոսը հանդես է գալիս օձ-վիշապի պատյանի մեջ³⁴: Պակաս ուշադրով չէ միջնադարյան մի պոեմի հերոս Ֆարման Մանուկը³⁵, որի սխրանքները նույնպես ավարտվում են ամուսնությամբ, ինչպես Օձ Մանուկինը, Վարդես Մանկանը և առհասարակ բոլոր Թուխ Մանուկներինը:

Նշված փաստերը գալիս են լայնացնելու մեր գիտելիքները Թուխ Մանուկ ըմբռնումի վերաբերյալ, հիմք տալով որոնվող նյութերի մեջ հաշվի առնել ոչ թե լոկ «Թուխ Մանուկ» արտահայտությունը, այլ նկատի ունենալ նաև նրանց հնարավոր տարատեսակները:

Այսպես մոտենալով խնդրին, տեսնում ենք, որ քննվող ըմբռնում-պատկերացումները իրենց տարբեր անվանումներով անջնջելի կնիք են դրել նաև աշխարհագրական անունների ու անձնանունների վրա: Հիշենք մի քանի օրինակ: Գ. Սրվանձաթյանը գրում է. «Գողալ դարան ձորահովիտ մի է. մեջեն կանցնի վտակ մը, որ... կերթա Թուխ գեղի մոտերեն կը թափի Վանա ծով, հոն կը կոչվի Թուխա գետ»³⁶: Պ. Կալհոկեցին, օգտվելով նաև հին մատենագիրներից, գրում է. Գեղերու գետը «կերթա Թուխ անուն գլուղի արևելյան կողմեն», «հասանեին ի ջուր ինչ գեղջ մի Թուխ Մանուկ»³⁷: Ղևոնդ պատմիչը գեղեցիկ VII դարում խոսում է Տալքի Թուխարս (Թուխարք) ամրոցի մասին, որը հիշվում է նաև ուրիշ հեղինակների կողմից³⁸: Հոփսիմյանց կույսերին վերաբերող մի վկայության մեջ կարդում ենք. «Հասին ի գաւառն Բզնունեաց: Եւ ոմանք ի նոցանէ անդէն մնացին, մերձ ի Խլաք: Եւ այլքն գնացին ի տեղին, որ կոչի Թուխ. ի գաւառն Աղձնեաց, որ այժմ կոչի Խողձ: Եւ ոմանք անդեն մնացին ի Թուխ»³⁹: Վանում եղել է հատուկ ջրհոր, որը գտնվելիս է եղել Ս. Նշան եկեղեցու մոտ՝ մատուռի ներսում և կոչվել է Թուխ Մանուկ⁴⁰:

Այսպիսով, տեսնում ենք, որ Թուխ Մանուկ հասկացությունը իր կնիքն է դրել գլուղների, գետերի, ամրոցների, ջրհորների անունների վրա: Անձնանուններից կարելի է հիշել՝ Թուխայր, Թուխան, Թուխթանկ, Թուխիկ, Թուխ-ժամ, Թուխմանուկ, Թուխման և այլն⁴¹:

Փաստերի այս խումբը մի կողմից խոսում է միևնույն հեռավոր ժամանակները վնացող, իսկ մյուս կողմից՝ մինչև ուշ միջնադար եկող Թուխ Մանուկ

32 «Սասնա ծռեր», հատ. Բ, մասն երկրորդ, Երևան, 1951, էջ 919:

33 ՀՍՍՀ ԳԱ «Լրաբեր» (հաս. գիտ.), 1971, № 11, էջ 52—64:

34 «Հայ ժողովրդական հեքիաթներ», Ա, Երևան, 1959, էջ 236—240, Գ, Երևան, 1962, էջ 175—181:

35 «Պատմութիւն Ֆարման Մանկան», աշխատ. Շ. Նազարյանի, Երևան, 1957:

36 Գ. Սրվանձաթյան, Համով հոտով, Կ. Պոլիս, 1884, էջ 113—114:

37 Պ. Կալհոկեցի, Ասիական ճանապարհորդություն ի հայրենիս, 1881, էջ 35:

38 Մ. Հովհաննիսյան, Հայաստանի բերդերը, Վենետիկ, 1970, էջ 617:

39 Մ. Տալյան, Մայր ցուցակ հայերեն ձեռագրաց..., Վիեննա, 1895, էջ 63:

40 «Ազգագրական հանդես», գիրք XXVI, Թիֆլիս, 1917, էջ 198:

41 Հ. Աճառյան, Հայոց անձնանունների բառարան, հատ. Բ, էջ 366—369:

Հասկացության հնությունն ու երկարատև գոյության մասին: Նման հարատևությունը պայմանավորված է եղել համապատասխան սրբերի ժողովրդական բնույթով: Ըստ երևույթին, նրանք օժանդակ ու երկրորդական կարգի սրբությունն ունեն համարվել ոչ միայն միջնադարում, այլև նախաքրիստոնեական ժամանակներում: Կարևոր աստվածություններին նվիրված տաճարների կողքին Թուխ Մանուկները եղել են համաժողովրդական, ամենուր հանդիսող, պարզ ու մատչելի ուխտատեղիներ՝ կապված երիտասարդության դաստիարակության, հրգ ու պարի, մրցույթ-մարզունքի, ինչպես նաև մկրտության և ամուսնության արարողությունների հետ:

Քրիստոնեությունը կատաղի պայքար մղելով հեթանոսական սլաշտամունքների դեմ, չէր կարող խնայել նաև Թուխ Մանուկներին: Հոփսիմյանց կույսերի այցելությունը Թուխ կոչված վայրը և այնտեղ մնալը, ինքնին հող է՝ համապատասխան պայքարի: Հենց այդ պայքարով պիտի բացատրել բույր Թուխ Մանուկ մատուռների ավերված վիճակը:

Ժողովուրդը, սակայն, իր հնամենի ավանդների, կենցաղային սովորությունների ուժով (թեկուզ և մոռանալով հեթանոսական Անահիտների ու Արամազդների պաշտամունքը և որդեգրելով քրիստոնեական ըմբռնումներ) չի դավաճանել Թուխ Մանուկներին: Հետագայում, երբ աստիճանաբար մեղմացել է քրիստոնյա գործիչների պայքարը, հանդուրժելի են դարձել նաև Թուխ Մանուկները, երբեմն էլ արժանանալով վերակառուցման ու քրիստոնեականացման: Բուն բովանդակությամբ, սակայն, նրանք այդ նոր տեսքով էլ պահպանել են իրենց ժողովրդական դիրքը, հեթանոսական էությունը: Այստեղ ոչ միայն խոնկ են ծխել ու մոմ վառել, այլև զվարճացել են կերուխումով, մրցություններով և պարերով⁴²: Պաշտամունքի առարկա են հանդիսացել ոչ միայն Թուխ Մանուկ հերոս-նախնիները, այլև նրանց մոտ գտնվող ջրերը, ծառերը: Եթե քրիստոնյա գործիչներն այնտեղ տարել են խաչքարի բեկորներ և այլ մասունքներ, ապա նրանց փլատակների մեջ հաճախ պահպանված են եղել սեպագիր քարեր: «Թուխ Մանուկ կա Անդար և Բաղնոց. — գրում է Ս. Հայկունին — որո գուրը ևս կա սնպագրություն, որպես Ալաշկերտի Թուխ Մանուկան քարերուն մեջ ևս գտնված էր քառակուսի բեկնագրով քարը»⁴³: Հնի և նորի հաշտնցման այս իրողությունը վկայվում է նաև ուրիշ փաստերով: Նույն հեղինակը գրում է, թե «Նաստուրա ս. Աստվածածին վանքը ուխտի եկող հասարակությունը Թուխ Մանուկ ևս պիտի գնա, որ իր ուխտը կատարյալ համարվի»⁴⁴: Այս վրաստը հետաքրքրական է նաև նրանով, որ չարովի հուշում է Աստվածածին և Թուխ Մանուկներին նվիրված տոների առնչությունը: Ինչպես հայտնի է, քրիստոնեությունը հին տոները փոխարինում էր նոր տոներով: Ուստի հիմք կա մտածելու, որ Թուխ Մանուկներին նվիրված տոները հետո հատկացվել են Աստվածածնին: Այս առումով ուշադրավ է Ս. Հայկունու վկայությունն այն մասին, որ Ալաշկերտի Թուխ Մանուկի տոնը տեղի է ունեցել «Աստվածածնա տոնի օրն»⁴⁵: Համապատասխան վկայություն կա նաև Համգաշեխ գյուղի Թուխ Մանուկի վերաբերյալ. «ուխտագնացությունը կը պատահի օգոստոսին: — ս. Աստվածածնա տոնին»⁴⁶:

42 Թ. Թորամանյան, Նյութեր հայկական ճարտարապետության պատմության, էջ 41:

43 Ս. Հայկունի, Բագրևանդ, էջ 326:

44 Նույն տեղում, էջ 195:

45 Նույն տեղում, էջ 195—199:

46 «Ազդագրական հանդես», Ե գիրք, Թիֆլիս, 1899, էջ 31:

Այս հետքերով, անշուշտ, հնարավոր կլինի պարզել Թուխ Մանուկների տոնական հանդիսությունների հետ կապված ուշագրավ խնդիրներ, որը, յա-կայն, այժմ դուրս է մեր ծրագրից⁴⁷:

Քրիստոնեական շրջանի պատկերացումների մեջ Թուխ Մանուկների ար-ձագանքը կարող էր անվել նաև աստվածաշնչային համապատասխան սրբե-րից ու սրբություններից: Այդպիսիներից էին, օրինակ, հռչակավոր Յոն Կոն-ստանդ, հերոսներ, որոնք հանուն հայրենիքի նետվեցին բաբելոնյան բոցերի մեջ և, ըստ դիցաբանված զրույցի, անվնաս մնացին: Կարելի է հիշել նաև հանուն քրիստոնեության Սեբաստիայի լճում նահատակված Քառսուն Մա-նուկներին: Զվարթնոց տաճարի անունն էլ, վերջին հաշվով, կապվում է մա-նուկների զաղափարի հետ, միայն թե այստեղ նկատի են առնված երկնային մանուկներ: Մեր կարծիքով Թուխ Մանուկային ծագում պիտի ունենա նաև Օշականի Մանկանոց մատուռ-եկեղեցին, մանավանդ որ Օշականում կան երկու ուրիշ Թուխ Մանուկներ: Այն էլ ասենք, որ Քառսուն Մանուկ հասկա-ցությունը միշտ չէ, որ պիտի կապվի Սեբաստիայի նահատակների հետ: Դ. Սրվանձտյանցը, նկարագրելով այդպիսի անուն ունեցող մի հու-շարձան, գրում է. «Խրքը գեղին մոտ... ջրի մեծ ակ մը կա, որ ջուր կը բղխե տարվան երեք ամսվան մեջ միայն՝ մայիսին, հունիսին և հուլիսին...: Համ-բարձման տոնին դառ են մատղում, այդ օրն էլ բղխում է: Զբղխող տարինե-րին բերքի պակաս է առաջանում հնուսում և շրջակա գյուղերում: Խնուսա տեղումն է այս ջուրը»:

«Ջրույն ակն,— շարունակում է նա,— կոնքսիձե ավազանի մը պես է. այս ավազանի մեջտեղ կա մի գերեզման իբր երկու կանգուն բարձրությամբ և հինգ կանգուն երկարությամբ, քարով և հողով բոված, և հողերու մեջ վար-դի թիեր տնկված, ջուրն ելած ժամանակ այդ գերեզմանը կը շրջապատե լճա-կաձև, և շիրիմը կը դառնա կղզի մը... Այս գերեզմանը իբրև սուրբ կը պաշ-տեն հայերը Քառսուն Մանուկն անունով, և քյուրտերը՝ Հալիլ Բաբա...»⁴⁸:

Ամեն ինչից երևում է, որ այս գերեզմանը առնչություն չունի քրիստո-նեության հետ. դա ավելի շուտ Թուխ Մանուկներին նվիրված հին սրբարան է՝ կապված հատկապես ջրի պաշտամունքի հետ: Նրա անունը, նախապես, ըստ երևույթին, եղել է Թուխ Մանուկ, ապա քրիստոնեական Քառսուն Ման-կունքի աղդեցությամբ վերափոխվել: «Հալիլ Բաբա» քրդական անունի մեջ պատկանված է ավելի շատ Թուխ Մանուկի (Եղակի), քան Քառսուն Մանկանց (հոգևակի) արձագանքը:

Քրիստոնեության ամենօրյա քարոզն ու կյանք մտնող պատկերացում-ները Թուխ Մանուկների զաղափարն առնչել են նաև այնպիսի սրբություննե-րի հետ, ինչպիսիներից է Ավետարանը: Վկայվում է, որ Բերկրիի «գյուղացիք մի հատուկ սնդուկի մեջ կախհեն Թուխ Մանուկ անվամբ մի ձեռագիր ավե-տարան, որում չի մերձենալու աշխարհականի ձեռք, այլ երբեմն, նման մա-սունքի դուրս կը հանի քահանայն և կընթեռնու զայն ի բժշկություն հիվանդաց

⁴⁷ Թուխ Մանուկ կոչվող սրբավայրերի և նրանց վերանորոգված նմուշների մեջ առկա են համեմատաբար մեծ հատակագիծ ու ծավալ ունեցող կառույցներ: Այս շեղումը կարող է թույլ տալ ենթադրելու, թե դրանցից շատերում հեթանոսական ավելի խոշոր սրբավայրեր են եղել, և Թուխ Մանուկ են կոչվել, ըստ երևույթին, հետագայում:

⁴⁸ Դ. Սրվանձտյանց, Գրոց ու բրոց, էջ 71—72:

կամ ախտաժեշտաց և ի բարձուն՝ աստվածային պատժոց»⁴⁹։ «Սասնա ծռեր» էպոսում, ի շարս այլևայլ սրբերի ու սրբությունների, ողբկոչված են նաև «...Թուխ Մանուկ, Մեռել Հարոյց Աւետարան»⁵⁰։ Միջնադարյան կախարհահմայական բանաձևերում հանդիպում ենք բյնպիսի տողերի, ուր Թուխ Մանուկը հիշվում է քրիստոնեական սրբությունների հետ միասին.

Գանձաստայ սուրբ Նշանին,
Ջալերու Թուխ Մանուկին...⁵¹

Ժողովրդական երգերից մեկում Թուխ Մանուկները ողբկոչված են բերքի սլահպանության համար.

Մեռնիմ Բրգի սոր-Թուխ-Մանուկ,
Ճուղ ճուղ կորեկ քորկես կայնուկ...⁵²

Այս և նման ուրիշ փաստերը ցույց են տալիս, որ Թուխ Մանուկները հետապնդում միաձուլվել են քրիստոնեական սրբերին և ողբկոչվել նրանց հետ միասին, հորեմն՝ ավելի ազդու հեղինակությամբ։ Նման պարագաներում, բնականաբար, հեշտությամբ միմյանց հետ կշիռվելին և հաճախ էլ կձուլվելին Թուխ Մանկանց, Երից Մանկանց, Քառսուն Մանկանց և առհասարակ մանկանց պաշտամունքի հետ կապված հուշարձաններն ու պատկերացումները։ Եվ դա միանգամայն բնական է, մանավանդ որ աստվածաշնչային և քրիստոնեական պատկերացումների մեջ ևս իրենց սրուշակի տեղն են ունեցել երիտասարդական միության-եղբայրությունների սոցիալական հիմքով սլայմանավորված ըմբռնումները։ Այս առումով ուշագրավ են, օրինակ, քրիստոնեական եկեղեցու ուղեգրած երկրորդ կնունքը, մաղերի հատման արարողությունը, նոր տնուն ալու պարտադիր սովորությունը և այլն։ Ինքը՝ Քրիստոսն էլ, ըստ էության, յուրատեսակ մի Թուխ Մանուկ էր։ Եվ եթե կրոնական-աստվածաբանական գրվածքներում մեծ հակասություններ են ստեղծվում հին ու նոր սերունդների միջև, ապա ժողովրդական մտածողության մեջ այդպիսի անջրպետներ համարյա չկան, ուստի այդտեղ աստվածամայրը շարունակում է ապրել Անահիտի բարեմասնություններով, Քրիստոսը՝ Վահագնի, Արամազդի, Դիսանեի և այլոց։

Այս առումով բացառիկ արժեք ունի միջնադարյան ժողովրդական մի երգ, որի մեջ գրվատվում է մի իսկական հերոս-մանուկ կամ հրաշագործ Թուխ Մանուկ, որն ի վերջո նույնացվում է Քրիստոսի հետ։ Այդ երգում նկարագրվում է, թե ինչպես կախարդական և ամենազոր ծաղիկը գտնվում է օձի բերանում։ Եվ ահա մանուկ-հերոսը անձնուրացությամբ խլում է այդ ծաղիկն օձի բերանից և նվիրաբերում մարդկությանը.

Մաղիկ ա՛յն ծաղկին ասեմ,
Որ օձին բերնիկն է բուսեր.
Շատ մարդ այն օձին ահլն

Ջայն ծաղկին հոտն չէ առեր.
Մանուկն մի Հոռմանց տանէն
Ջարեու քարկիկն է տուեր.

49 Մ. Մի ր ա խ ո ղ յ ա ն, նշվ. աշխ., մասն Գ, էջ 22—23:

50 «Սասնա ծռեր», հատ. Բ, մասն երկրորդ, էջ 317:

51 Մաշտոցի անվ. Մատենադարան, ձեռ. № 2434, էջ 96ա: Տե՛ս նաև ձեռ. № 6156, էջ 114ա:

52 «Աղգաղրական հանդես», Ե գիրք, էջ 197—198:

Գացեր զօձն ի փուն տեսեր,
 Զայն ծաղիկն ի բերնէն առեր...
 — Մանո՛ւկ, քո արեղ ասեմք,
 Մեք այդ գուն ծաղիկ չեմք տեսեր...
 Զվարդն չեմ կարեր ղահրեր,
 Ու բլրովն բերնովն է գովեր.
 Ռետին, այլ ինչ ասեմ,
 Ու ի փայտ խաչին է բուսեր...⁵³

Մոտավորապես այսպիսի հրաշագործ էակներ են համարվել Թուխ Մանուկները, որոնք ժողովրդի համար բարեքներ են ստեղծել, իսկ իրենք՝ զոհվել: Տվյալ դեպքում Մանուկ-Հերոսը ի վերջո պատկերված է «ի վերայ փայտ խաչին»:

Այս ոգով է գրված Ֆրիկի մի տաղը՝ նվիրված համասփյուռ ծաղկին⁵⁴.

Այս է համասփյուռ ծաղիկն,
 Ու քափէ զմարդն ի մահու...
 Զայս դեղս ով ուզել կամի,
 Թող գուգէ զիւր սիրուն աղիւծու.
 Շատ լերդ ու լեղի ուտէ,
 Ու ապա նա զայս գրորնու...

Ավելի պերճախոս է ժողովրդական մի ուրիշ երգ՝ «Ա՛յ իմ աստուածատուր, ա՛յ, կտրիճ» սկզբնատողով, զրի առնված դարձյալ միջնադարում, բայց ծնված ավելի վաղ ժամանակներում: Հստ էության այդ երգը մկրտության աղոթք-բանաձև է՝ օգտագործված հասուն տարիքում մկրտվողների համար: Մկրտվողի անունը երգում հիշվում է «այս անուն» անորոշ դարձվածքով, որպեսզի կնունքի ժամանակ դրա փոխարեն տրվի մկրտվողի անունը: Մկրտվողն էլ կոչվում է «աստվածատուր կտրիճ», այսինքն, դիցաբանական հերոս-մանուկ: Առանձնապես ուշագրավ է այդ հերոսի տոտեմական ծաղումը.

Թէ զինք՝ մարդ-մարն չէ. ա՛յ. բերել, էղաղ, օ՛յ,
 Ոչ կնիկ դայեկ սրնուցեր, բնկալ, օ՛յ.
 Թէ եղն ի մօրին. ա՛յ, բերել, էղաղ, օ՛յ,
 Խրկագվին կարով սրնուցեր. բնկալ, օ՛յ...

Եվ այս բոլորից հետո այդ հերոսը կապվում է Քրիստոսի հետ.

Յիսուս ինքնսան, այլ, եղեր. էղօյտէ.
 Ուղանան զետրն մրկրտել, բնկալ, օ՛յ.
 Կրնեմ, իր անուն, ա՛յ, դրել, էղօյտեղ,
 Ա՛յս անուն մեր նոր քաղաւոր, բնկալ, օ՛յ⁵⁵:

Միջնադարում զրի են առնված հնաբույր ուրիշ երգեր ևս, որոնց մեջ նորից առկա են Թուխ Մանուկների մասին եղած պատկերացումների արձագանքները:

Վերևում խոսվեց այն մասին, որ Թուխ Մանուկները կապված են եղել նաև ջրապաշտության հետ: Ջրի և սիրո մոտիվը հիշված երգերի հիմքն է, իսկ

⁵³ Ա. Մ. Մնացականյան, Հայկական միջնադարյան ժողովրդական երգեր, Երևան, 1956, էջ 268—271: Ամեն տողից հետո կրկնակ՝ Հէ՛, իմ տուն, հէ՛ կամ՝ հէ՛, հէ՛, հէ՛:

⁵⁴ «Ֆրիկ» (ժողովածու), Երևան, 1937, էջ 199:

⁵⁵ Ա. Մ. Մնացականյան, Հայկական միջնադարյան ժողովրդական երգեր, էջ 126—127. տե՛ս այս երգի մի այլ տարբերակը «Թագավոր իմ ոսկի» սկզբնատողով, նույն տեղում, էջ 124—125 (այսուհետև այս գրքի էջերը կտրվեն բնագրում, փակագծերի մեջ):

հերոսներն էլ ուղղակի կոչվում են Թուխ, Թուխ կտրիճ կամ Թուխ Մանուկ: Դրանք իսկական Թուխ Մանուկային երգերի արձագանքներ են: Նրանցից մեկում կարողում ենք.

Այդ վայրի լեռնէդ ի վայր	— Ես ի յայն աղբիւրն կերքամ,
Ձուրն ի շինուդ մէջն անցանէր, հա՛յ,	Որ սիրելին զայ՝ զովանայ, հա՛յ,
Թուխ Մանուկ մի դուրս ելեր,	Փութացի՛ր, ե՛լ րնդ առաջ,
Ձենո՛ն ու զերեսն է՛ր լուացէր, հա՛յ...	Ի զեղ նորին գութաբացիւր, հա՛յ:
— Ձո՛ւր, դուն ի յո՞ւր աղբիւրն կերքաս...	(էջ 152—154)

Ուշադրության արժանի է բաղնշում դրի առնված վիճակախաղի մի նշխար, ուր դրվատվում են «երկու թուխ ու թամ կտրիճ»-ներ, որոնք աղբյուր են պարզեւել մարդկանց: Չմոռանանք, որ «Բաղնշի մեջ ջուրին ակը սուրբ համարված է. թուխ Մանուկներու ջրերը ախաաժետներուն բժշկություն կը պարգևենին»⁵⁶: Այս գաղափարի փայլուն դրսևորումն է ահա հիշված խաղիկը.

Ես ունէի երկու քուխ ու քամ կտրիճ,
Անշափ քար ու խիճ երիճ,
Ինչուր հանին աղբուրն ի սահրիճ.
Որն որ էն աղբուրի ջուր խմէր՝
Ամէն կտրին ու մանուկ բերէր⁵⁷:

Այսպիսով Թուխ Մանուկները սոսկ աղբյուրներ պարգևողներ չեն. նրանց ստեղծած աղբյուրից տվ որ ջուր խմե՛ր՝ «Ամէն կտրիճ ու մանուկ բերեր»: Մի՞թէ հենց այդպիսի ծնունդ չունենին Սանասարն ու Բաղնաշարը՝ սերված աղբյուրի ջրից: Մի՞թէ նման պատկերացումների հետ չեն կապված եղել սուրբ համարված աղբյուրները:

Թուխ Մանուկների մասին եղած պատկերացումների ուշագրավ արձագանքներ կան միջնադարում գրի առնված երգերի մի ուրիշ խմբի մեջ: Այստեղ և՛ տղաները, և՛ աղջիկները «թուխ» են, նրանց զրույցը՝ սիրո և ամուսնության խնդրի շուրջն է՝ համեմատված դիցաբանական բմբուսումների մնացուկներով: Այդ երգերից մեկն սկսվում է աղջկա և տղայի երկախասուլթյամբ.

— Կրտի՛ն, զնէ՛, քէ զնել կարես,	Գրնեմ զքեզ, քէ զնել կարեմ:
Ճորտակ ու չեմ ծանորագնո՛ւ:	— Թուխ մաստրե՛ն ⁵⁸ դու՛ ի քուխս և յուս,
— Թուխ, ամ ծոցուտ գին հրամէ,	Օգս է րնկեր, գին՝ ծոցերուս:

Տղան կտրիճ է ու թուխ, վարսերը փռված են ուսերին. աղջիկը ուզում է համնձնվել նրան և որպես գին պահանջում է օղեր՝ բայց առաջադրելով դժվարին պայման. տղան աղջկան պիտի այցելի ոչ երկնքով, ոչ դետնով, ոչ էլ երկնային որևէ էակի օգնությամբ, ոչ ամպ, ոչ պարզ և ոչ էլ արևոտ եղանակին, ոչ մերկ, ոչ բութիկ և ոչ էլ հագուստով, ոչ ձիով, ոչ ջորիով և ոչ էլ հետևակ: Թուխ կտրիճը, սակայն, գտնում է հնարը. որսում է «խրգագուի ձագ», փա-

⁵⁶ «Բյուրական», 1901, էջ 490:

⁵⁷ Ն. Մարգարյան, Տեղագրությունը ի Փոքր և ի Մեծ Հայս, 1864, էջ 245—246:

⁵⁸ «Թուխ մաստ» նշանակում է թուխ հերոս. առհասարակ մաստ (մաստն) բառի բացատրության համար կարևոր նշանակություն ունի Մաշտոցի անվ. Մատենադարանի № 3205 ձեռագրի (թերթ 40ա) հետևյալ վկայությունը. «Եկիրոս արքայն պարսից, գոլով արտադրեցեալ յանտառի իմիք ի մահ, շուն ոմն էգ դիեցուցեալ սնոյց զնա, վասնորոյ ի զարգանալն իւր եղև հզօր պատերազմական և ամենեկն համանման մաստեաց, ըստ որում գրէ Յուստինոս...»:

Բաթմալում նրան, նստում քաջ արծվի թևին, հասնում աղջկա տան մոտ. և բա-
ցակահչում.

Թուխ, դուն ի դուրս արեկ, ի դուրս,
Արեկ կամկար ու նմալով.

Ինչ դուն ասիր՝ նա ես արի,
Ինչ ես ասեմ՝ զայն բեր ի դուրս...

Հետևում է տղայի առավել դժվարին պայմանը: Աղջիկը չի կարողանում
իրադրոթել այն, ուստի հանձնվում է.

Թուխն ալ չունէր, որ զայն բերէր,
Մով-ծով աշվին արտարէր.
Մով-ծով աշվին արտարէր,
Կամար օնփին քօքուեցէր.

Կամար օնփին քօքուեցէր,
Կանանչ արտեր դեղնեցրնէր.
Մկ-մկ կոնակրն արծկրէր,
Թագուրն ի ծոցն մեծարէր:

(էջ 113—114)

Սի ուրիշ երգում թուխ դույզի սիրո պատմությունը կապված է կալ կալ-
սելու աշխատանքային առօրյայի հետ. նորից առկա է դիցաբանական պտտ-
կերացումը: Դեպքը տեղի է ունենում Մասիսի լանջին.

Ասիս-Մասիս լեռնէտ ի վար.
Հօ՛ւ, որ ոսկի կալ կու կուտեն.
Սամու մազիբրն կու ձգեն.
Ինչ հողեղէն եզն ի լուծին.
Իւ մոմեղէն լուծն ի վիզին...

Ի՛նչ քուզ մ՝ աղկրն զալապան,
Կրտրին աղեկանց մանողան.
— Թո՛ւս, ամ գու տուր հատ մի կալտ,
Թէ չլ ստնում պաֆ մ՝ երեսէտ...

Այստեղ էլ աղջիկը պիտի հանձնվի.

Կամկար կօնակրն աճկրես,
Թագուրն ի ծոցն հրամես:

(էջ 116)

Զարմանալի մեծ տարածման ու տարբերակավորման է արժանացել ջրի
ու աղջկա հետ կապված Թուխ Մանուկային մի ուրիշ երգ: Այստեղ երևան են
դայիս մի քուխ ու աղվոր աղջիկ և մի քուխ ու քանաֆ կտրիճ: Աղջիկը զնում
է աղբյուրը ջրի. տղան հետևելով նրան, ջուր է խնդրում.

Թլն քուխ մ՝ Լր առեր.
Աղորերես. ա՛յ,
Իւ մօջրայպայեկն, ա՛յ,
Օ՛յս, իմ պարոն, Լյնեկ,
Ու կերբար դեպ ի ջուրն, ա՛յ.

Կտրին Լր հեծել,
Աղորերես, ա՛յ,
Իւ քամալ ջորեկն, ա՛յ,
Օ՛յս, իմ պարոն, Լյնեկ,
Ու կերբար դեպ ի հետն, ա՛յ...

(էջ 141)

Այս տարբերակը գրի է առնված միջնադարում: Կան և ուշ շրջանի գրա-
ռումներ, ուր սովորաբար երևան են դալիս երկու աղջիկ ու երկու տղա.

Երկու ծամաուր աղջիկ
Կուր ձեռ աղբիւր գրնացին,

Երկու քուխ-քանաֆ կրտրին
Զինը խեծած ինոնց իտե գրնացին...

(էջ 145)

Ահա այս հենքի վրա է միշտ, որ լսվում է տղաների և աղջիկների պա-
տասխանը.

— Աղջիկ, աղբորդ արևուն,
Նոշիալովը ջուր տուր խմի՛:
— Զուրս տա՛մ է, չէ՛ սառե՛ր,
Մե՛ր սիրուն շատ մա՛րդ է մե՛ռե՛ր:

— Զուր տուր, քող մե՛նք ալ մե՛ռնի՛նք,
Հաշի՛նք, քէ մա՛րք չէ բե՛րե՛ր,
Բե՛րե՛ր է Մե՛զա սուլքա՛ն,
Բացու՛ե՛ր է վա՛րդ, մա՛նու՛շակ...

(Լճ 147)

Ուշագրավ է, որ վերևում մեջքերված համարյա բոլոր երգերը, որոնք կապվում են Թուխ Մանուկների հետ, ոչ այլ ինչ են, քան հայրեններ. այդպիսիք են, օրինակ, «Ծաղիկ այն ծաղկին տսեմ», «Ա՛յ իմ աստուածատուլ, ա՛յ կտրիճ», «Այդ վայրի լեռնէ՛դ ի վայր», «Թէ՛ն թուխ մ՛ էր առեր» տողերով սկսվող երգերը: Հայրենների տաղաչափության հիմքեր կան անդամ վարդ-պես Մանկան մասին պահպանված փշրանքում.

Հատուած գնացեալ Վարդէս
Մանուկն ի Տոհաց գաւառէն,

ԶՔասաղ գետով եկեալ,
Նստաւ գնդէ՛ր բլրով...⁵⁹

Հայրենային ծագում ունեն հաւ «Ստանա Ծռերի» նախերգանքներն ու երգերի զգալի մասը:

Բուն հայրեններում Թուխ Մանուկյան արձապանքներն ավելի առատ են: Ըստ որում, Թուխ Մանուկյան ոգին առկա է ոչ միայն այն հայրեններում, որոնց մեջ հանդիպում ենք Թուխ Մանուկ, կտրին, աղվոր և նման այլ կոչումների, այլև այն հայրեններում, որտեղ նման անվանումներ չկան, բայց առկա է երիտասարդական հերոսության գրվատանք: Այս առումով ուշագրավ են հետևյալ հայրենները, մեկն՝ աղջկա, մյուսը՝ տղայի անունից.

— Ամուր եմ փառիդ նման,
Ու մեծիկն ի յիս չի բանի.
Բարձր եմ քուիս սմպիդ նման,
Ու ոչ ով ի յիս չի հասնի...

— Հա՛յ իմ հերմակծոց բազայ.
Ճերմակծոց ու ծի՛նն ի վրայ.
Քո բունդ է անտառ մորի՛ն,
Դ՛ արծրվին ահիկն ի վրայ.

Աղեղն եղևնի լինի
Ու լաւն ի վերայ գալենի.
Քաշողն փաջողի լինի,
Հապա քէ իմ սիրուն հասնի:

Նոքամ փաջ արծիւ լինամ.
Դամ, կոռիմ, մինչ որ լուսանայ.
Թ՛ ապրիմ, նայ անուն հանեմ.
Թէ մեռնիմ, հաշվեմ, քէ չեղայ⁶⁰:

Առհասարակ հայրենների քնարական հերոսը քաջ մանուկ, աղվոր կտրիճ է՝ հանուն սիրո, ընդդէմ բոլոր տեսակ շար ուժերի: Եվ հենց դա է, որ մեզ տանում է պեպի Թուխ Մանուկների ազգագրական ընաշխարհը, նրանց հետ կապված հնամենի պատկերացումները և տոնահանգեսները՝ երգ ու պարով, հայրեն-անտունիով: Նրանց մեջ ևս հերոս նախնիներին նմանվելու, նրանց սիրո ու սխրանքի շարունակողը հանդիսանալու հնամենի ավանդությունն է իշխում, բայց միշտ նոր ժամանակների ոգուն համապատասխան:

Ըստ երևույթին, հենց այս իրողությունների պատճառով էլ այդ երգերը կոչվել են «Հայրենի կարգաւ», այսինքն, ըստ հերոս-նախնիների և կտրիճ-հայրերի կտակի ու ավանդների:

Ուշագրավ են, օրինակ, հայրեն-անտունների մեջ պահպանված այն հուշերը, որոնց համաձայն յուրաքանչյուր երեխա նախ և առաջ «Հայրենի» պար-պէ է, «Հայրենի» է.

⁵⁹ Մ ո վ ս ե ս ի ո ռ ե ն ա ջ ի, Պատմութիւն Հայոց, Տփղիս, 1913, էջ 199:

⁶⁰ Մ. Արեղյան, Գուսանական ժողովրդական տաղեր, Երևան, 1940, էջ 91:

Օ՛ր, օ՛ր, օ՛ր, օ՛ր, Հայրենի,
Քու ծոցն է արմավենի...⁶¹

Օ՛ր, օ՛ր, օ՛ր, Հայրենի,
Հայրենի ծառղ արմավենի...⁶²

Ամփոփելով մեր խոսքը, կարող ենք ասել, որ ինչպես յուրաքանչյուր ժողովուրդ, այնպես էլ հայ ժողովուրդը պատմական անհրաժեշտությամբ, անցյալ ժամանակներում ունեցել է հասակային դասեր, երիտասարդական կազմավորումներ, կտրիճվորաց հղբայրություններ, որոնք խոր անցյալում նպատակ են ունեցել հասարակությանը տալ լիարժեք, առողջ, խիզախ ու խելոք սերունդ: Եվ ահա, իր ժամանակի կրոնա-սոցիալական իրադրությունների համաձայն, այդ երիտասարդությունը դաստիարակվել է երևակայական հերոս-նախնիների և համալսատասխան աստվածությունների օրինակով: Վերջիններս, անշուշտ, սկզբնապես տարբեր անուններով են կոչվել (Թուխ Մանուկ, Խոր Մանուկ, Վարդգես Մանուկ, Աղեկ Մանուկ, Թուխ այր, Խուխ կրտսիճ, Աղեկ կտրիճ և այլն), իսկ հետագայում աստիճանաբար համախմբվել Թուխ Մանուկ անվան ներքո: Համապատասխան ուխտատեղիների հետ են կապվել ոչ միայն ծիսական արարողություններ, այլև համաժողովրդական հանդիսավորություններ՝ մրցույթներով, երգերով ու պարերով: Ինչպես վերևում տեսանք, հակառակ քրիստոնեության ծավալած պայքարին, Թուխ Մանուկ սրբավայրերը, թեկուզ և փլատակված, գոյատևել ու հասել են մինչև մեր օրերը: Պահպանվել են նաև մատենագրական, ազդագրական և բանահյուսական հսրուստ նյութեր, որոնց բոլորի համատեղ քննությամբ նոր լույս է սփռվելու հայ ժողովրդի և նրա մշակույթի պատմության էջերի վրա:

О ПАМЯТНИКАХ, НАЗЫВАЕМЫХ «ԹՈՒԽ ՄԱՆՈՒԿ»

Доктор историч. наук А. Ш. МНАЦАКАНЯН

(Резюме)

Армянские этнографы и архитекторы собрали немало сведений о местах паломничества и памятниках, связанных с культом «Թուխ Մանուկ» — «Смуглого Юноши». Кроме того, в армянских фольклорных и письменных источниках сохранились ценные свидетельства о «Смуглом Юноше», до сих пор не обращавшие на себя внимания специалистов. Наши наблюдения приводят к выводам, касающимся как памятников и мест паломничества, относящихся к культу «Смуглого Юноши», так и соответствующих свидетельств о них. «Смуглые Юноши» — это мифологические героизмы языческого периода, почитание которых хотя и преследовалось христианством, однако в силу живучести народных традиций просуществовало до XX в.

⁶¹ Ա. Քեչյան, Մ. Պարսամյան, Ակն և ակնցիր, Փարիզ, 1952, էջ 575:

⁶² «Բյուրական», 1887—1888, էջ 601: